

fer, ac usu licet linguæ carentem, a Surdio Cardinale absolutum, noxis expiatum fuisse. Regios custodes ferunt, illico parricidam configere aggressos, inhibitos, hominemque vivum servare iussos.

Ejus atrocissimi casus xi. kal. junias, dum Senatus cogere-
tur, Gregorii Barbadici, apud Carolum Sabaudum legati,
literis est allatus: Antonii Foscarenì, apud Henricum orato-
ris, paulo post confirmarunt. Dici non potest, quam ejusmo-
di nuntio Patres attoniti fuerint: stupore veluti defixi hære-
re, vix animo inexpectatæ & acerbissimæ necis eventum ca-
pere. Qui Henrici infaustum obitum dolerent, ad Sciampi-
gnium legatum a Senatu missi, Franciscus Molinus, superio-
ris, Aloysius Fuscarenus medii ordinis, Equites ambo ac
Sapientes. Hi ingentem Senatus dolorem testati, quæcumque
a Republica ad Galliæ firmamentum ac dignitatem proficisci
possent, detulerunt. Sciampignius, gratiis habitis, in lachry-
mas effusus, Patrum mœrorem conduplicavit. Datæ insuper
eadem die a Senatu ad Ludovicum, Henrici filium, patri suc-
cessurum, atque ad matrem Reginam literæ, quarum senten-
tia erat: *Crudelis atque impii parricidii in Henricum perpe-
trati nuncio accepto, ingenti dolore percussum Senatum fuisse,
quod Regem, omnium heroicarum virtutum exemplar, Gal-
liæ columnen, Reipublicæ amicissimum, indigna adeo cæde per-
emptum intellexerit, ut nulla ratione mœrorem lenire ac
mitigare queat: dolere casum tantæ Regis, magna atque
egregia meditantis, immaturo fato sacrilega manu extincti:
nullam certe parem huic jacturam Galliæ accidere potuisse:
sed quanto hæc graviora atque atrociora sunt, tanto magis
ab animi virtute ac prudentia petenda subsidia. Magno
sane huic fortunæ telo aliquod solatium Senatui afferre, quod
ab Henrici filio, patris vera imagine, amplissimi regni gu-
bernacula suscipienda sint, qui licet nondum firma ætate ac
robores, matris tamen felicissimis auspiciis sperandum, ut,
depulsa tetra hac, quæ publicæ felicitati offusa videba-
tur, caligine, brevi cuncta felicia iis ac prospera eveniant:
id & Senatum vehementer optare, & omnia ad amplissimi
regni stabilitatem ac decus offerre.* Hæc summa literarum
erat. Fuscarenò oratori mandatum, ut literas oratione

1610

Venerorum
literæ ad
Ludovicum
Regem si-
lium & ad
matrem.